

UN NUEVO EMPLAZAMIENTO MILITAR ROMANO N'ASTURIAS: EL CAMPAMENTU DE MOYAPÁN (AYANDE)

David González Álvarez¹
&
Andrés Menéndez Blanco²



*Vista xeneral del monte de Moyapán, dende La Llagrada, al sur,
col pueblu d'El Rebolu en primer planu*

¹ davidviso@hotmail.com ² pesicu@gmail.com

Agradecemos l'aída ya recomendaciones feitas por Fernando Álvarez-Balbuena no aspectu llingüísticu, amás de la información que nos facilitóu sobre la toponimia local. Tamién nos sentimos obligaos a dar las gracias pola colaboración desinteresada de los vecinos d'El Rebolu que nos dieron los nomes de la contorna de L'Altu ya corrixenon los datos cartográficos colos que trabayábamos ya a los nuestos amigos ya amigas que revisaron el borrador d'esti articulu.

AFAYU YA SITUACIÓN

L'afayu del xacimientu qu'eiquí presentamos producíuse gracias al serviciu de consulta *on-line* de SigPac¹, que permitíu l'apreciación d'unas formas estrañas no terrenu. Tres de visitar el sitiu ya observar las evidencias, interpretámoslas cumo las estructuras d'un posible xacimientu arqueolóxicu que, gracias a la bibliografía disponible, identificamos cumo un establecimientu campamental romanu, de probable factura militar.

El sitiu localízase nuna elevación sobre la pista forestal que vei pa escontra l'oeste dende El Alto de Moyapán, conocíu oficialmente cumo El Alto de Bustantigo, ente las parroquias ayandesas de Santa Colomba ya Bustantigo, a 21 kilómetros de la capital del conceyu, La Puela. Las coordenadas de la súa localización son 43° 20' 17" N; 6° 42' 30" O, ya la súa cota más alta chega a los 1081 metros sobre'l nivel de la mar.

Nun había elementos físicos ou intanxibles que permitieran pensar na presencia d'un xacimientu d'esta envergadura no llugar, si esceptuamos las mencionadas estructuras. La tradición oral de la zona nun apuntara indicios qu'indicaran la presencia de restos arqueolóxicos, aparte de los túmulos yá conocíos, las explotaciones mineras romanas ou testemuños medievales. Aínda así, nun deixa de ser interesante observar que la mayor parte de las denominaciones de la contorna se refieran a llaguazos ya fontes, deixando constancia de l'abundancia d'auga: Moyapán pol noroeste, Llamaduenas al oeste, Fonterroqueiros al sur ou El Valle las Llamas pol leste.

EVIDENCIAS ESTRUCTURALES

La primera constatación que tuvimos del nuevu xacimientu foi, cumo yá dixemos, al traviés de la reconocencia del sitiu mediante fotografía aérea, yá que las evidencias estructurales cheganon hasta los nuestos días con unas formas muito sutiles, cumo puede valorase nos gráficos qu'acompañan el testu. La localización d'estas estructuras mediante prospección arqueolóxica sobre'l terrenu yera una empresa difícil pola tenue manifestación de las sús formas, lo que feixo que'l xacimientu pasara desapercibíu

na lliteratura arqueolóxica asturiana, asina cumo nos pertinentes inventarios ya catalogaciones de xacimientos arqueolóxicos (González 1966, 1973; Fernández Ochoa 1982; Camino ya Viniegra 1991; Santos Yanguas 1992; Sánchez-Palencia, Orejas ya Sastre 2002). Namás la comprobación *in situ* de las anomalías observadas previamente no terrenu, gracias a las imáxenes aéreas, llevóu a la identificación del nuevu xacimientu que presentamos con esta breve noticia. Asina mesmo, nun poderíamos identificar esti nuevu enclave de nun ser pola bona xera feita nos últimos años polos diferentes equipos arqueolóxicos cantábricos que pouxenon en conocencia de todos la multitud de nuevos afa-

ynos relacionaos cola ocupación militar romana na Cornisa Cantábrica (Camino, Viniegra ya Estrada 2001, 2005; Camino ya outros 2007; Cepeda 2006; García Alonso 2001, 2003, 2006; Martínez Velasco 2006; Peralta 1997, 1998, 1999, 2002, 2006; VV.AA. 2006;). A partir d'estos gráficos ya las sús descripciones, pudiemos familiarizanos colas formas ya características estructurales d'esti tipu de xacimientos, pa reconocer –chegáu el momentu– las trazas d'un recintu de factura asomeada no conceyu d'Ayande.

Pasamos agora a describir detenidamente las estructuras documentadas en Moyapán, pa nun segundu momentu del testu

valorar el xacimientu en clave interpretativa.

• EL RECINTU: PLANTA YA FORMA

La planta del recintu campamental adopta una forma trapezoidal, disposición que propicia una perfecta adecuación de las sús estructuras defensivas a la orografía ya naturaleza del terrenu sobre'l que ta asitiáu. Los sous dous llaos llargos dispuénense paralelamente, mentres que los llaos curtios tán más bien abiertos hacia l'esterior, p'amoldase a la elevación sobre la que s'asienta, dende la que s'acolumbra a la perfección el territoriu circundante más inmediatu. L'área del recintu yá d'unas 1'5 hectáreas.

• ESTRUCTURAS DEFENSIVAS

El campamentu de Moyapán queda definíu fundamentalmente polas sús llindes, yá que l'interior del recintu nun amuesa rastru nengunu d'evidencias estructurales asociables cola ocupación del sitiu.



Vista aérea del recintu campamental, obtenida del visor *on-line* del SigPac [<http://sigpac.mapa.es/feqa/visor/>]



DAVID GONZÁLEZ & ANDRÉS MENÉNDEZ

Vista en detalle del turriu no llau nordés

Las estructuras defensivas son bien perceptibles en trés de los límites del recinto, mentres que no llau sueste la marcada caída natural de la lladera feixo innecesarias grandes preocupaciones nesi aspectu, más p'alló, quiciabes, de dalgún tipu d'empalizada ou estructura funxible asomeada no puntu d'inflexión de la pendiente, coincidente con unos afloramientos del sustratu de pizarras agunde las evidencias de talas obras serían difícilmente reconocibles sin plantiar trabayos arqueolóxicos más intensivos.

Una llinia de turriu no llau nordés, ente la caída de la




DAVID GONZÁLEZ & ANDRÉS MENÉNDEZ

Vista en detalle de la llinia de vallum de los llaos noroeste ya sudoeste, con agger ya doble cárcova


lladera sueste ya un afloramientu de pena prominente que xurde na esquina norte, ya una llinia continua de vallum nos llaos noroeste ya sudoeste, compuenen los elementos estructurales que sirven de cierros defensivos/limitantes del emplazamientu.

El vallum compuénse d'un sucu (agger) ya dúas cárcovas (fossa) colmatadas. Respecto a la estructura del agger, abondo esbarroucada pola erosión, paré amosar una composición interna más bien terrera; na súa construcción usáronse seguramente los estériles derivaos de la escavación de las



DAVID GONZÁLEZ & ANDRÉS MENÉNDEZ

Vista en detalle del tramu curvou de la llinia defensiva na esquina oeste.



Secciones transversales a las estructuras de defensa en diferentes tramos de los límites del recinto.

dúas cárcovas a las que s'asocia. Esta llinia del *agger* sería muito probable que s'elevara n'altura, por medio d'una empalizada (*vallum*), d'una llinia d'estacas con canas (*cervuli*) ou d'outras soluciones asomeadas qu'emplearan materiales lígneos, como poderían ser tamién los *pila muraria* que los lexonarios solían llevar consigo. El cierru del recinto destaca en cuanto a la súa conservación na súa esquina oeste, unde la sedimentación yía más importante ya remarca la entidá de las estructuras defensivas d'esi tramu.

La esquina occidental describe un doble trazáu curvu, evitando asina'l cierru angular del espaciu interior, que propiciaría un mayor riesgu a los defensores del recinto al quedar más espuestos énte eventuales ataques dende l'esterior. D'igual manera, aunque con menor entidá de los restos conservaos, la llinia de castramentación paré iniciar una vuelta asomeada na esquina sur, primeiro de sumise la estructura defensiva no llau sueste.

No llau suroccidental pudimos apreciar no trazáu del *vallum* una discontinuidá d'unos 9 metros de llargor qu'interpretamos como la puerta ou entrada al campamentu, sin que pudiéramos observar restos d'una posible estructura «en clavícula» que corroborara d'un modu más certeu la factura militar romana del enclave.

• ESPACIU INTERNU

En cuanto al espaciu interior del recinto, nun s'observa nengún rastru d'estructuras nin signos d'ocupación. Esto yía pola abundante vexetación de gueiruetas ya ericáceas que dificultan l'afayu en superficie de restos materiales ou d'outras evidencias de tipu constructivu. Por outro llau, el sustratu de pena aflora en gran parte del interior del recinto, especialmente nas cotas más altas, polo que'l paquete sedimentariu yía mui curtiu como pa contener un gran inventariu de materiales arqueolóxicos, de la mesma mane-

ra que podemos observar en xacimientos asomeaos yá escavaos en Cantabria, Burgos ou Palencia (VV. AA. 2006). El paquete sedimentariu paré depositase únicamente con abunda entidá como pa poder mostrar lecturas estratigráficas aceptables (pola súa amplitú ya continuidá) no tarrén inmediatu a las llindes perimetrales que dan forma al recinto fortificáu, que se revelan como los sectores más interesantes sobre los qu'emprender futuros llabores d'escavación ou prospección intensiva.

La única evidencia de modificaciones antrópicas n'interior del recinto vien d'un contestu más reciente (aunque difícilmente concretable no cronolóxico) que s'asocia a la delimitación de zonas de pastos ganadeiros mediante un leve riego rectilíneu que s'allarga cientos de metros siguiendo'l cimblu del cordal (dirección nordés-sudoeste), ya que dalcundo se remarca con pequenas llábanas de llousa afitadas. Una d'ellas alcóntrase n'interior del recinto.

• ESTÁU DE CONSERVACIÓN YA AFECCIONES AL XACIMIENTO

Otru datu que presentar nesta primera valoración del xacimentu yía l'estáu actual de conservación. Pola súa naturaleza estructural, la súa situación puede considerase crítica, pueis la más mínima afección, en forma d'apertura de caminos, repoblaciones forestales, emplazamientu de torretas eléctricas, antenas ou aeroxeneradores, puede poner en másimas dificultades la preservación íntegra d'esti xacimentu, que nos paré d'incalculable valor documental pa entender los patrones d'asitiamientu, explotación ya control del territoriu puestos en práctica na zona pol Imperiu Romanu.

Nesi sentíu, podemos destacar l'afección a la contorna del campamentu por parte de dellos cortafós forestales trazaos no sieglu XX, que paré qu'afararon l'espaciu inmediatu al recinto pol sur ya l'oeste (aunque'l perímetru cam-



DAVID GONZÁLEZ & ANDRÉS MENÉNDEZ

Vista xeneral de dalgunas cortas mineras d'El Ríu del Oro, en llinia visual directa dende'l propiu recintu de Moyapán

BIBLIOGRAFÍA

CAMINO MAYOR, J. ya VINIEGRA PACHECO, Y. (1991): «Reseña sobre la Carta arqueológica del concejo de Allande, 1990», n' *Excavaciones Arqueológicas en Asturias* 2 (1987-1990): 229-31.

CAMINO MAYOR, J.; VINIEGRA PACHECO, Y. ya ESTRADA GARCÍA, R. (2001): «El campamento romano de la Vía Carisa en *Asturia Transmontana*», n' *Espacio, Tiempo y Forma, Serie I. Prehistoria y Arqueología*, 14: 261-276.

CAMINO MAYOR, J.; VINIEGRA PACHECO, Y. ya ESTRADA GARCÍA, R. (2005): *La Carisa. Astures y romanos frente a frente*. Uviéu: Cajastur.

CAMINO MAYOR, J.; VINIEGRA PACHECO, Y. ya ESTRADA GARCÍA, R.; RAMOS OLIVER, F. ya JIMÉNEZ MOYANO, F. (2007): «El campamento y la vía de La Carisa. Reflexiones arqueológicas y militares», en FERNÁNDEZ-TRESGUERRAS (coord.): 61-93.

CEPEDA OCAMPO, J. J. (2006): «Los campamentos romanos de La Poza (Cantabria)», en MORILLO (ed.): 683-690.

FANJUL PERAZA, A. (2007): «El Castiellu de Valláu: Un posible campamentu romanu na vía de Lleitariegos», *Asturies*, 23, pp. 96-97.

FERNÁNDEZ OCHOA, C. (1982): *Asturias en la época romana*. Madrid: Universidad Autónoma de Madrid, Departamento de Prehistoria y Arqueología.

FERNÁNDEZ-TRESGUERRAS J. (Coord.) (2007): *Astures y romanos: Nuevas perspectivas*. Uviéu: RIDEA, 61-93.

GARCÍA ALONSO, M. (2001): «El campamento romano de El Cincho (La Población de Yuso). Un nuevo yacimiento de las Guerras Cántabras», en *Sautuola* VIII: 99-106.

GARCÍA ALONSO, M. (2003): «El campamento romano de El Cincho (La Población de Yuso). Resultados arqueológicos de la campaña del año 2002», en *Sautuola* IX: 109-139.

GARCÍA ALONSO, M. (2006): «El campamento de campaña de El Cincho (Cantabria)», en MORILLO (ed.): 549-566.

GONZÁLEZ Y FERNÁNDEZ-VALLES, J. M. (1966): «Catálogo de los castros asturianos», n' *Archivum* 16.

GONZÁLEZ Y FERNÁNDEZ-VALLES, J.M. (1973): «Castros asturianos del sector lucense y otros no catalogados», en *Cuadernos de Estudios Gallegos* XXVIII.

GRAÑA GARCÍA, A. (1983): «El conjunto tumular de 'La carreriega de los gallegos' (Sierra de Carondio, Allande)», n' *Ástura*, 1: 21-34.

MARTINEZ VELASCO, A. (2006): «Posibles campamentos romanos en el País Vasco: nuevas aportaciones», en MORILLO (ed.): 691-705.

MORILLO, A. (ed.) (2006): *Arqueología militar romana en Hispania. Producción y abastecimiento en el ámbito militar*. Llión: Universidad de León.

PERALTA LABRADOR, E. (1997): «Arqueología de las Guerras Cántabras. Un campo de batalla en las sierras de Iguaña y Toranzo», en *Revista de Arqueología*, 198: 14-23.

PERALTA LABRADOR, E. (1998): «El último baluarte de los cántabros», en *Revista de Arqueología*, 198: 40-47.

PERALTA LABRADOR, E. (1999): «El asedio de La Espina del Gallego (Valles de Toranzo y de Iguaña, Cantabria) y el problema de *Aracelium*», en *Complutum*, 10: 195-212.

PERALTA LABRADOR, E. (2002): «Los campamentos de campaña (*castra aestiva*): evidencias científicas y carencias académicas», en *Nivel Cero*, 10: 49-87.

PERALTA LABRADOR, E. (2006): «La revisión de las guerras cántabras: novedades arqueológicas en el norte de Castilla», en MORILLO (ed.): 523-547.

SÁNCHEZ-PALENCIA, F. J. (1986): «El campamento romano de Valdemeda, Manzaneda (León): ocupación militar y explotación aurífera en el NW peninsular», en *Numantia* 2: 227-243.

SÁNCHEZ-PALENCIA, F. J.; OREJAS A. ya SASTRE, I. (2002): «Los castros y la ocupación romana en zonas mineras del Noroeste de la Península Ibérica», BLAS CORTINA, M. A. ya VILLA VALDÉS, A. (eds.): *Los poblados fortificados del Noroeste de la Península Ibérica. Formación y desarrollo de la Cultura Castreña*. Navia: Ayuntamiento de Navia, pp. 242-259.

SANTOS YANGUAS, N. (1992): *La romanización de Asturias*. Madrid.

VV. AA. (2006): «Roman military sites in Hispania: an archaeological guide», en MORILLO y AURRECOECHEA (eds.): *The Roman Army in Hispania: An Archaeological Guide*. Llión: Universidad de León, 211-381.

VILLA VALDÉS, A. (2007): «Mil años de poblados fortificados en Asturias (siglos IX a. C.-II d. C.)», en FERNÁNDEZ-TRESGUERRAS (coord.): 27-60.